

STJÓRNARTÍÐINDI B 63 – 1999

21. júní 1999

1473

Nr. 449

REGLUGERÐ

um breytingu á reglugerð nr. 237/1996 um eftirlit með samræmi reglna um öryggi framleiðsluvara sem fluttar eru inn frá ríkjum utan Evrópska efnahagssvæðisins.

1. gr.

2. mgr. 3. gr. falli niður.

2. gr.

Reglugerð þessi sem sett er með stoð í 27. gr. laga nr. 134/1995 um öryggi vöru og opinbera markaðsgæslu öðlast þegar gildi.

Viðskiptaráðuneytinu, 21. júní 1999.

Finnur Ingólfsson.

Jón Ögmundur Þormóðsson.

18. júní 1999

Nr. 450

REGLUGERÐ

um einelti loftfara í almenningsflugi.

1. gr.

Orðskýringar.

Í reglugerð þessari eru eftirgreind hugtök notuð í þeirri merkingu sem hér er skilgreint.
Almenningsflug: Flug í samræmi við reglur, sem settar eru af flugmálayfirvöldum, og starfrækt er undir eftirliti eða stjórn Flugmálastjórnar Íslands sem fer með flugumferðarþjónustu fyrir allt flug annað en herflug. Almenningsflug tekur hvort tveggja til atvinnuflugs og einkaflugs (Civil aviation).

Einelti loftfars: Það að fljúga í veg fyrir loftfar eða elta það uppi til þess að gefa stjórnendum þess fyrirmæli um að breyta ferli (Interception). Einelti í skilningi þessarar reglugerðar tekur ekki til þeirrar þjónustu sem veitt er loftfari í neyð.

2. gr.

Efnisreglur.

Fylgja skal þeim efnisreglum sem gefur að finna í gr. 3.8. í fylgiskjali með auglýsingu nr. 55/1992 um setningu flugreglna, með síðari breytingum og þeim viðaukum sem þar er vísað til.

3. gr.

Refsiákvæði.

Brot flugstjóra, sem sætir einelti, á fyrirmælum sem hann fær við þær aðstæður skulu varða fangelsi allt að fimm árum.

4. gr.

Gildistaka o.fl.

Tilfni reglugerðar þessarar er staðfesting af Íslands hálfu á viðauka við 3. gr. alþjóðaflugsáttmálans (3. gr. bis) sem samþykktur var á þingi Alþjóðaflugmálastofnunarinnar 10. maí 1984 þar sem aðildarríki lýsa því yfir að sérhvert ríki verði að forðast að grípa til vopna gegn almenningsloftförum á flugi.

Reglugerð þessi er sett með heimild í 145. gr., sbr. 3. mgr. 76. gr. og 77. gr. laga um loftferðir nr. 60/1998 og öðlast þegar gildi.

Samgönguráðuneytinu, 18. júní 1999.

Sturla Böðvarsson.

Halldór S. Kristjánsson.

Nr. 451

23. júní 1999

AUGLÝSING

**um staðfestingu á breytingu á skipulagsskrá fyrir Líknarsjóð
Langholtskirkju, nr. 629 27. nóvember 1995.**

Stjórn Líknarsjóðs Langholtskirkju hefur hinn 19. maí 1999 samþykkt eftirfarandi breytingu á skipulagsskrá sjóðsins, sem staðfest var 27. nóvember 1995.

1. gr.

1. mgr. 7. gr. orðist svo:

Verðbættan höfuðstól sjóðsins má aldrei skerða. Að minnsta kosti 10% raunvaxta skulu leggjast við höfuðstólinn árlega.

Dóms- og kirkjumálaráðuneytinu, 23. júní 1999.

F. h. r.

Björn Friðfinnsson.

Fanney Óskarsdóttir.

Nr. 452

25. júní 1999

AUGLÝSING

um deiliskipulag Kópavogskirkjugarðs.

Á fundi bæjarstjórnar Kópavogs 25. maí 1999 var samþykkt tillaga að deiliskipulagi kirkjugarðs í Leirdal – Kópavogskirkjugarður. Í deiliskipulaginu felst m.a. afmörkun kirkjugarðsins, aðkoma, akstursleiðir, bílastæði, gönguleiðir, staðsetning þjónustubygginga og afmörkun lóðar fyrir sóknarkirkju í Fífuhvammsslandi.

Tillagan var auglýst skv. 25. gr. skipulags- og byggingarlaga nr. 73/1997 frá 1. mars til 7. apríl 1999 og yfirfarin af Skipulagsstofnun.

Breytingin öðlast gildi við birtingu þessarar auglýsingar.

Kópavogi, 25. júní 1999.

Birgir H. Sigurðsson skipulagsstjóri.